



~ 16
2793
1



門 へ 16
2793
巻 1

昭和十九年
六月二十八日
購求

皇刻空同先生集叙

詩者人籟也而竅於天天者真也
王雱武之言曰真詩在民間而空同
先生有味其言至引之以自叙夫空
同先生躋輾千古力敵元化乃猶
稱真詩在民間而吾夫子亦曰斯民
也三代之所以直道而行也以吾夫子

之聲不能外於斯民之真。空同先生
固聖於詩也。執於外民間真音而徒
為韻語。古者先王命太師陳詩以
觀民风。至夫子刪詩。先風而後雅。
里謠途歌。至與清廟明堂登歌。廢
同鏗錡。為印清廟明堂登歌。廢
唱。亦當時矢口發。如直布胸臆。非

如後世文人墨客。抽黃對白。剪
隋園學步。邯鄲徒以韻語。相影
也。自唐以詩取士。而詩道寢衰。而
其真而近古者。往往得於侘傺。無聊
不平之感。故真在音之發。而情之原
從原而觸情。從情而發音。故起響
應。為但。然光景屬新。與天同其

多徐而歌之暢然愀然足以感耳入
心後風易俗美愛而傳亦與天同其
久固也空同先生所以集大成而自
帝此道者蓋有在矣余之梓空同
先生集也豈自附河不至阿其所好
夫亦歛同志者皈依正覺毋蹈墮穢
外道抑嗤白雲秋色中原紫氣等
語之為魔軍余將倚劍空同而摧
伏之矣是役也清君素非校讎之半
我深窺作者心苦異非雅善詩名
傾江左其以皈依正覺則猶余志也
夫萬曆壬寅長至後九日古粵後學
鄧雲霄叙於玉壺水

空同先生集序

空同集乃先生手自編彙以貽我郡
黃勉之勉之為校訂序焉梓于吳未
幾先生甥曹仲禮守濠為重梓而王
子衡復序之踰七十年板漸蝕莫能
得善本會東莞鄧侯令長洲政成之
暇爰飭風雅每喟然曰吳於海內文

獻稱甲哉而奇多柔曼孰其振之已
讀先生集而亟賞曰茲其矯矯者與
舍是而誰為吳士的矢也爰出月俸
資剗厠俾潘君景升事校讐景升淹
雅苦心數月於集中畧魚亥豕咸正
罔遺又采集中所逸若干篇重定其
目而益以空同子八篇於是先生集

始為完書工既竣則以序屬不佞不
佞嘗謂文章關乎世運五隆則從而
隆世污則從而污國之興也如日始
出霞采熹明其盛也如日方中晴霄
晶朗漢盛孝文唐盛文皇宋盛慶曆
於時洛陽射洪廬陵輩挺生拔起闢
榛塗而導芳軌蒸蒸焉與治化相昭

炳此皆扶輿所鍾允嶽所降非偶然
矣我太祖再造中國至敬皇帝
而海內熙洽盛於漢唐宋於時先生
領羣彥而起高標獨幟從橫千古遠
出諸君子之上吳關係抑豈渺小世
以追古重先生而不能不以擬古病
先生未觀其深者也夫文之為物也

其法與兩儀相不易而其用與萬彙
相變化濼有不易故不能舍古以立
研範用有變化故不當泥古以薄風
神輓近世作者非安凡而固陋則務
高而牽合是以於古不能窺而於變
不能盡先生所稟注于天者厚所醞
釀於習者深故能巨古範我而不與

空同集 序
三
垂波又能以豕馭古而不為古役試
舉其諸撰論之騷賦之為屈宋也選
體之為蘇李也建安也下而顏謝也
五言之為初盛唐也碑志之為左史
也序記之為四家也有趨而弗詣者
乎有詣而弗超者乎有設情以為情
擇言以為言隱肝肺而偽謦欬者乎

至於歌行縱橫開闔神於青蓮七律
雄渾豪麗深於杜陵此則金中之金
錦中之錦又為宇宙間異色絕皀吾
無間然矣議者或右詩左文以為叙
事優持論短如犧尊龍衮天下瓌瑤
不無追絲蝕理之病是豈通論文章
猶造化天包地孕何所不蓄星斗耀

空不廢嵐霧魚龍變海不却濁汚即
先生觸憤而舒縱機而吐間有玼瑕
庸傷其大乎先生沒而七子興廣貴
猛起互為壇坫然已開源靡麗而濫
觴浮薄於是益服先生深厚醞藉廓
前矩後真所謂風雅嫡系秦漢正統
實與國家方中之運相宣朗而非偏
師魁盜張形飾勢者所能爭雄競勝
也先生一昌言以排貴戚而容再昌
言以擊奄人而廢故其詩曰十年放
逐同梁苑中疲悲歌泣 孝宗余讀
此每為嗚咽嗟乎精變天地不能見
容於魑魅光昭日月不能不掩於雲
霧其遭然也然使在今日北風萋楚

空同集 卷五
之嗟又當何如我侯梓此豈無意耶
侯秉尔抱奇嶮崒豨韋波中其詩文
秀拔逸羣於先生風聲桴鼓其有契
于斯也夫豈貌賞

萬曆壬寅仲冬望日後學馮時可序

長洲沈咸書

重刻空同先生集序

空同先生集有晉陵鄒氏板燬于火業
數十年東莞鄧玄度令長洲政事之
暇留神翰墨有契斯文斥俸梓之委
校讐于潘子景升會馮子至吳玄度
曰景升請願借先生一言竟殺青可
乎余唯夫詩道至今日卑甚矣問卷

空同集 卷一 乙
之子豔一青衿不得即操筆學為詩
遊大人以媒食士大夫或不得意于名
場而後染指焉以其灰冷無用之精神
問津萬里之途安能遠到詩道安得不
卑其間冰無有志縉紳與獨行布衣
銳志以詩為事者而患無命世作者如
空同先生其人以鼓倡之業衰于寡助
精靡于衆咻此又不可幾之數也蓋余
于今日而思先生深已或曰然則先生
之於詩其至矣乎馮子曰未也先生嘗
言之矣其述五刑武之言曰夫詩者天
地自然之音今途号而巷謳勞呻而康
吟一唱羣和者其真也真詩在民間而
文人學士往往為韻言謂之詩其情寡

其詞多詩於何有則先生且不免焉然
就先生之詩而評之則五七言律與七
言歌行家稱擅場蓋先生所深嗜而冥
契者杜陵故得其神理而面目隨之實
非有意模擬之如宋人生吞活剝之說
也至其序記碑銘諸作則謹嚴莊雅質
有其文鎔精兩漢而襍出之藻不傷琢
真不涉俚蓋庶幾稱盛世之文哉然先
生所以為詩若文者又有本焉先生
熙洽盛時稟精既厚而其立朝骨鯁抗
疏折時貴幾陷九死不顧官僅至藩臬
卒以忤時退其英風勁節皎在人耳目
以秋實發春華文而行遠宜已嗚呼先
生不可作矣得先生之集而讀之如見

先生咏歌玩味期于深造自得以窺初
盛唐六朝漢魏三百篇之詩西京先秦
六籍之文何難登峰然則玄度斯舉
其大有功于雅道矣玄度令長洲三年
以文學飾吏治為詩清新翩々有拔
俗之韻詩道中興吾有望焉曰叙斯
集而及之萬曆壬寅初冬日真實居
士馮夢禎叙于寒山僧舍

長洲杜大綬書

空同集序

弘治中

敬皇帝右文上儒於興治于時君
臣恭和海內熙洽四夷即叙埶毗允
殖輜軒無靡及之歎省寺茂鞅掌之
悲由是學士大夫職思靡艱惟文是
娛不榮躍馬之勲各覓搢觚之業可

謂太平有象千載一時矣時則有若
空同李子執吉以恢闕統辯之才成
沉博偉麗之文厭思超玄厥調寡
和游精於秦漢割正於六朝執符於
雅謨參多於諸子以柔澹為上乘以沉
著為三昧以確渾為堂奧以蘊藉為
神樞會詮往古之典用成一家之言巨
者日融小者星列長者江流濶者海
受洋之巖之冥之燿之無所不極後有
知云之選歎賞不暇尚安能為之昂
抑哉遂能掩蔽前賢命令當世秦
漢以來寡見其儔矣唐杜子美詞
人之雄也元稹稱其薄風雅吞曹劉
奄顧謝燕昔人之所獨專今其集具

在雖稱大家要自成已格爾乃子風
雅曹劉顏謝之調有無哉固知元氏子
溢言矣其視空同規治古調無所不極
當何以云或有云之古人順意靡刻空
同別志飾古辭疏朗達意空同別
援精浚川子曰非然哉願睹誤矣大
觀述始雖徑墳子史判不相能以各
發舒其華也揆道述政雖堯舜三
王靡所從攝以各際會其變也况
茲以文命乎率由嗜好成于性資安
能古今擬議同一區畛即云空同子
調亦無不可矣空同子往與余論文
云學至似不至矣所謂法上而僅中
也過則至且超矣子獨不聞喬白蒙

登華山乎至華坪道士曰諸登者
此以矣喬瞪目而起窮探險涉不但已
已遂得摩蓮峰扪華掌下視方夏
為暈中物昌黎子挽索峻之即悲
號恐矣彼安得知華嗟乎空同子
之為文豈易之言乎哉鳳陽守曹君
仲禮空同甥也以余於舅氏為知友
刻其集而請序後川子曰空同為人
氣高節挺孤立峻視不能少縮下阿
依貴人又如鳳矯龍變人豈不知其
為祥也豈不駭其異哉再罹顛蹶
卒不能起而大受匪無容之善深知
之匪曰忘之實惟懼之云爾雖然於
空同所得奚損哉

嘉靖十年歲次辛卯季秋之望後

川子王廷相撰

萬曆壬寅中秋日黎陽吳文策重錄



空同先生集序

五嶽山人吳郡黃省曾撰

夫文者所以發闡性靈叙詔倫則形
寫人紀彰泄天化物感而言生聲諧
而節會乃玄黃之英華而神理之自
然也譬彼霞輝星彩匪繪而煥龍章
鳳色不繡而奇豈出造為精機妙吐

而已况夫深居几榻可達志於八方
暫控形骸得寓心於萬代一言耀帙
黃壤如生片楔升堂藻園不廢所以
達賢古聖莫不尚之解繩以來六籍
底績體各殊科道由一致故裁訓者
必依其本贊事者必准其實此命融
之骨髓而執簡之要規也經熄時遷

茲教燼喪飾虛者鯨真核者寡炎漢
御宇載煽王風西京之文彌為爾雅
但渾質既淪儒流瀾縱得之者庖蔚
於藝林失之者螢息於晨艸校披千
載入室幾何蓋詞非偽借之可傳語
必肺本而攸永來世方遠焉可眩欺
鬼燦神昭若握柄宰如執黃之韻耕

田之唱短調無羊眠之富直音無潤
色之美亦且緝陟孔經采居匱史者
良由出之惻怛嗟嘆之真自當流誦
於無極也粵我空同先生嶽降於熙
雍之運鵬騫於平章之

朝夙稱八斗之才遂擅九州之秀非
姬公宣父之書不涉於目非左馬班

揚之策不發于筭非騷選李杜之篇
不歷于思由是代方享弊樹獨幟於
旌墟士舉安凡振孤轅於廣陌雖和
之者自萃珪璋之儔而訕之者頗繁
叅商之輩物忌勢危終於擯落然先
生風節凝持卓立不懼卒能浣學圃
之污沿新彤管之瑣習起末家之頽

散復周漢之雅麗彬彬乎天下學士
大夫莫不趨風而宗之自是延宇之
內倡和鎔鈞文章經緯與三代同驅
矣載論先生之撰蔚雄閎衍無體格
之弗統酌稟圓融何高深之弗臻矩
之音氣何密弗研獲其神情何奧弗
範如玄造該包乎物器海渤匯納夫

波流五色錯以彪章八音和而協奏
鬱憂愉喜婉附委陳性靈著矣五道
四德諄敷重締倫則表矣將迎酬酢
粹擷鋪綴人紀備矣兩間萬貌縣絡
籠挫天化宣矣由是品擬先民則銓
情播義釀浸於洙典星離緡貫幅尺
於丘明約暢淵綺橐籥於宋荀騁頓

激昂陶鑪于遷固緣方形侶合步於
相如體新揮述齊能于杜甫祖轍求
源法同於康樂扶衰續古功並於拾
遺誠遊藝之鉅工而摛翰之鴻匠也
客有惜先生懸車之早以為未究厥
施者予曰不然天生英哲或用之顯
績或用之述經先生興起學士挽回

古文為天下作者之首冠則天之用
先生者不小矣仲尼旅人騶軻弗寧
亦將以為未究厥施耶省曾樂志衡
門修辭海曲山川間之音通道契故
先生于戊子之冬以手編全集寄我
姑蘇殷勤札書屢貽疊受既而先生
問暨南下邀余京口千里不遐命僕

為序辭謝再三屬委逾至乃得論襟
於綠雲之亭品文于大峴之山並館
逾旬雪淨成別長江悠悠雲帆遂遠
歲之除夕先生告徂嗚呼緬惟邂逅
已然季子之許自顧淺膚莫稱陽冰
之託勉撰斯文恐孤泉下附于驥後
且幸曰之與日月而並遠也嘉靖九

年春三月十六日

萬曆壬寅重陽日吳郡後學薛明益
書



詩集自序

李子曰曹縣蓋有王莽武云其
言曰夫詩者天地自然之音也
今途喟而巷謳勞呻而康吟一
唱而羣和者其真也斯之謂風
也孔子曰禮失而求之野今真

詩乃在民間而文人學子願往
往為韻言謂之詩夫孟子謂詩
亡然後春秋作者雅也而風者
六遂棄而不采不列之樂官悲
夫孝子曰嗟異哉有是乎予嘗
聆民間音矣其出胡其思淫其
聲哀其調靡：是金元之樂也
矣其真王子曰真者音之發而
情之原也古者國異風即其俗
成聲今之俗既靡胡乃其曲烏
得而不胡也故真者音之發而
情之原也非雅俗之辯也且子

之聆之也亦其諧而聲者也不
有率然而謠勃然而訛者乎莫
知所從來而長短疾徐無弗諧
焉斯誰使之也李子聞之矍然
而興曰大哉漢以來不復聞此
矣王子曰詩有六義比興要焉
夫文人學子比興寡而直率多
何也出於情寡而工於詞多也
夫途巷蠢々之夫固無文也乃
其謳也等也呻也吟也行喏而
坐歌食咄而寤嗟此唱而彼和
無不有比焉興焉非其情焉

斯足以觀義矣故曰詩者天地
自然之音也李子曰雖然子之
論者風耳夫雅頌不出文人學
子乎子曰是音也不見于
世久矣雖有作者微矣李子於
是惛然失已灑然醒也于是廢
唐近體諸篇而為李杜歌行
子曰斯馳騁之技也李子於是
為六朝詩子曰斯綺麗之餘
也于是詩為晉魏曰比辭而屬
義斯謂有意于是為賦騷曰異
其意而襲其言斯謂有迹於是

自序 四
為琴搯古歌詩曰似矣然糟粕
也于是為四言入風出雅曰近
之矣然無所用之矣子其休矣
李子聞之闔然笑以雜也自錄
其詩藏篋笥中今二十年矣乃
有刻而布者李子聞之懼且慙

曰予之詩非真也王子所謂文
人學子韻之耳出之情寡而工
之詞多者也能又弘治正德間
詩耳故自題曰弘治集每自欲
改之以求其真然今老矣曾子
曰時有所弗及學之謂死是集

也凡三十三卷賦三卷三十五
篇四五言古體一十二卷四百
七十篇七言歌行五卷二百一
十篇五言律五卷四百六十二
篇七言律四卷二百八十三篇
七言絕句二卷二百二十七篇
五言絕句并六言雜言一卷一
百二十篇凡一千八百七篇

潘之恒箋曰此弘德集序自嘉靖後所增也
其幾惟五七言律各一卷耳豈遺州尚多耶
先生賦以騷而無漢枚稱賦騷四言出入風雅
乃不自辰而曰四言古非體也易為風雅什五言
絕高古曲盡其安安得以少而抑在後家如

擬李古風五七言清之而名數篇體將如傅子一
 升之一別之各為一卷總成三十七卷此可負諸先
 柴所為不敢謂僭也序法本李孔觀樂自左氏
 以下無此音先業戈情作者苦心具見予有感
 於真詩之云而悅世之務相矜詡也屬上海為生
 一瑤手書揭諸首簡為換奉指南云

空同子集

卷之一

北郡李夢陽撰 東莞鄧雲霄歛潘之恒蒐校

賦類一之一

疑賦

鈍賦

思賦

述征賦

省愆賦

宣歸賦

緒寓賦

寄兒賦

俟軒子賦

竹石賦

右次賦一十首

賦一

疑賦

下乾上坤高卑易矣星辰在下江河逆矣天喬喬天
雉鳴求牡矣魚游于陸冠苴履矣嗚呼噫嘻當晝而
夜宵中日出我黑彼白婦鬚男裼鈔刀何鈇湛盧何
鈍文則謂短謂長者寸鳳鳴翩翩群唾衆愆鵠鷓胡
德見之慕焉嗚呼噫嘻貞瑩內精讒嫉孔彰乖滑澳
忍名崇智成軟詭歆歆馳騁爽達殲良媚勢光爛門
闥彼曰昧昧人則攸知上帝板板鬼神邈而昔之多
士猶或畏疑今之多士覲肆罔懷嗚呼噫嘻民殊者
形厥心則一威擠利啗曰伊我粟血流于庭酣酒歸
室友朋胥嬉同聲德色穿彼罔識巧我攸極昔之執
衡視權與星今之執衡惟我重輕古道坦坦今眩東
西指晨謂暮日鸞爲鷄鄰牛茹虎冀虎德予厲莫察
階倒靡究所嗚呼噫嘻盜跖橫行回憲則貧上官尊
榮原隕厥身直何以仇佞何以親或何以顛操何以
振飛何以屈櫓何以伸西子何惡嫫母何姝乘黃瘠
弱御者駘駘舍彼靈明溺任胡塗皎皎者忌憐彼濁
汚水清奚無魚而泥淖以成良畚先生莫所自解誦
曰握粟出卜其何能穀於是出造巫咸叩焉巫咸曰
胡梯鶻突而與世汨受福揭揭漁者一旦獲尋丈之

魚見之者猶捩頸流涎思劫之也而憾不漁屠而况懷千金之寶抱徑寸之珠吾誠不能筮以决子之疑

鈍賦

鈍者何傷時之鋸也亦自快也

余竊悲機巧之競進兮性靈利而激昂衆倜儻而鑽刺兮務捷徑以求成勢犬牙苟相軋兮白刃起而相仇戈戟攢於心肺兮蹈檻穽而靡憂汨余生之頑鈍今年逾壯而無能強砥礪而求合兮路亡羊而多岐退歛掩而脩吾初服兮韜余劍之陸離拂靈鏑之齧齧兮吾什襲而猶恐露之喟時俗之反覆兮常寶偽

而棄真斥莫邪使不御兮挈鈇刀而自珍吾縱有湛盧與龍泉兮反孤立而危懼按明月之玉環兮塵星斗使不露覽往古誰不然兮吾又何怨乎今之遭余常怪范蠡之用鉞兮末見幾而逃彼種與胥豈乏利刃兮竟爲主之仇讎故木以直見伐兮樗以屈曲保全故銳者先斲兮吾蓋幸毛遂之脫身鬱侘際余拂抑兮退且焉礪吾初質索白茅而構菴兮斲桂杉而爲室悶踽踽以潛處兮情蹇產而畫一聞跼踖以後時兮寂蒙滕而藏密余以往哲爲治兮以隱子爲模鎔禮樂以爲銛兮淬仁義而內娛進旣匪我願兮又

何必昭此鋒也。憺徜徉以往來兮，聊秣吾之駿驥策。駑駘而追騏驎兮，余故知路之遼遠。按六轡而遊康莊兮，亦何必逞羊腸與九坂。舍余駟於丘之旁兮，又捐刃乎水裔。準閉戶而削迹兮，效完身而遠害。惟山路之巇嶮兮，叢篁鬱而蔽天。物過盛而易實兮，勢阨危而必顛。吾寧楞騰屋簌蒙詬笑兮，不願爲文錦之犧牛。寧與蹇驢齊軌埋没于塵土兮，終不與凡馬而競先。

思賦

有子不及見其成立爲子生無以養死無以葬

仕也無以褒斯二者天下之至悲也死者已生者思兀然黯然而於乎駱子胡以塞汝悲於是爲駱子作思賦賦曰

慨予生之眇眇兮，塊獨處此遐域。誦往昔以自憐兮，淚交下而橫臆。登峻極以顧望兮，慨江路之漫漫。思井隴之萎絕兮，願矯舉而無翰。山岷峴以蔽目兮，浮雲又互而四馳。詔鳴鳥以詒訊兮，歛高騫而過之。託先人之餘蔭兮，踵高躅於英哲。勉策名以副實兮，懼前脩爲之半輟。入文衲以華屋兮，出結駟之翩翩。慟夜臺之旣扁兮，杳冥冥而重泉攬疆土之殊異兮，睇

江鄉之墓阡米予莫之負兮木兮風而夕厲悒怛
以不寐兮標拊膺而歔歔哀故山之遼逖兮湖汙汙
而海波隴荆榛之弗治兮枯荻積而寒莎霜露旣披
此梧楸兮迺又申之以飈颺猿夜鳴以慘心兮鴻鴈
南而冰雪冰雪予旣弗堪兮豺狼又怒而當路然萋
非之易眩兮蹇隱憂而誰訴恫愠愉以中結兮氣氤
氲而內煎耿縣聯而靡絕兮鬱於邑而若牽怒梟牢
而若饑兮若皇皇求而未得食俛俛而罔甘兮寢輾
轉而反側步踽踽而有望兮坐默默而自語優裊裊
而有聞兮肅容聲之接予亂曰綏我思成神之利降

爾遐福天之昇孝子不匱賢之嗣

述征賦

正德四年夏五月北行作

仲夏赫炎兮草木畢揭鞮縲赴徵兮夜發梁國抑情
順志兮強食自解亂流渡河兮忽焉而寐所以曠恨
揮霍兮中情菀而內傷明星散而交加兮翩冥冥吾
以行覽衆芳而橫涕兮莽皇皇莫知所投曷噉杲杲
方上進兮雲披離而蔽之飄風磔而曾波兮湖水擊
而震盪慨川廣而難越兮朝余翱翔乎河上旣涉衛
以奔鶩兮又逾淇而渡漳去故鄉以就遠兮霑余襟
空同集 卷一

今浪浪山峻高而造天兮又陰晦而多雨觀蘊蟲之
相搏兮忤於邑汗又交下哀人命之有當兮禍福杳
其無門孰非義之可蹈兮焉作忠而顧身余獨怪夫
寒博之罹患兮親好脩而逢殆箕子狂而悲歌兮彼
比干固以菹醢觀前世誰不然兮矧吾懷愆而造尤
聊周張以嬋媛兮蓋不忍此心之常愁涉湯陰余愴
怳兮乃又瞻茲姜里鄂廟屹而傍路兮駟超軼而過
止懷誠有離慙兮任道有承尤侍中顛隕兮扁鵲被
劉專惟君而邁殃兮眩吾不知其何謂極終古而長
憤兮羗炯炯其猶未昧翼縣縣之無聊兮眇翩翩莫

知所騁憂悄悄之悶瞽兮歷山川余弗省跡有隱而
難察兮物有微而先彰負蚊蟲以抗山兮固切人之
未量欲結言以自明兮拙而莫之謀也將曾舉以遠
群兮又絆而莫之能也經溝瀆吾不悅兮亦何必爲
此行也蹇相羊以俟至今莫好脩之證也路遼遠之
喬喬兮埃風旋而簸揚煙液蒸而練練兮夕吾次于
沱陽嶺弗曲以歛容兮原曖曖而塘滂風草剡而冥
冥兮狼狸號而夜鳴指黃昏以爲期兮驂駸駸又夜
行曰雷霆不可玩兮孰刑人而不戒悲棘馬之喘噓
兮常十策而九退朝攬木末之清風兮夕瞻明月指

列星我既處幽羗誰告兮魂中夜之營營欲展詩以
效志兮又恐增愆而倍尤衆聚觀而潛評兮或掩涕
爲予乎淹留予朝餐中山之初歲兮暮挈易之香菴
睇北山而不見兮彼南州又藐焉而弗予睹氣怍怍
而絪結兮心緯繡而弗怡紛流日以相觀兮見金臺
之崔嵬軫雄虹之迅光兮愾烏白與馬角燕昭旣劇
該輔兮厥躬亡而國削何秦嬴之虎視兮厥二世以
不祿固盈虛之環沓兮春秋奄其代續自前代乃已
然兮吾又何怨乎人心雜亂反覆豈異究兮由邃古
而至今重日隆隆三伏鑠金石兮如羨如沸行路喙
兮道思作誦軫爾類兮南有喬木不可以憇兮念我
徂征日顛顛兮含精內蝕世莫可說兮亂曰已矣哉
鳳鳥之不時與燕雀類兮橫海之鯨固不爲螻蟻制
兮誠解三回之網吾寧溘死于道路而不悔兮

省愆賦

伊余幼好此騏驥兮服偃蹇以驕驚載銜轡而周流
兮耿旣得此中路余謂秉質曷固兮謂蘭蕙介而過
疑援鳴鳩使爲理兮俾高舉而並馳旣倬直而不豫
兮又任怨而于條固群吠之難犯兮每沾危而弗懼
余豈不知嘒嘒者之寡完兮羗堅忍而弗懲驟諫諍

以離尤兮莽飄風之相仍交不深而易絕兮儵中道
而改度媒阻絕之不通兮焉孰導余以前路放子唵
而掩涕兮逐臣去而不還紆鬱邑以屈抑兮恐日薄
於西山浮洋洋余焉極兮濫逶移而游淫相曹梁之
廢墟兮攬長河之緒風信孔樂非我願兮望北嶺而
歔歔效桃鳥以自珍兮邁羅網之不意憐赫夏以桎
梏兮雷無雲而晝鳴愍棘扉之卑惡兮夜不見月與
星吾聞湯文遭繫兮豈其博脩之故惟鄙人之不癸
兮固宜蒙詬而逢怒步庭堦而遙望兮宮殿鬱而槩
天願嗽志之無路兮倚北戶而嬋媛觀炎炎之塌埃

兮地沮洳又蕪穢哭與哭之相聞兮對飲食而不能
下怨長日而望夜兮夜明闇又若歲蚊蝎伺人以唐
旁兮鼠登牀而鳴逝恇侘傺余隱軫兮哀民生之多
瘼數惟萬變豈其可槩兮孰泆忍而不踰援往聖以
爲程兮按余志且焉止戢夢忽乎余上征兮魂浮游
之逖逖過太儀叩天閭兮捫白榆之歷歷進不入以
遭迴兮退余將覽夫下土馮玄雲以相羊兮洵極樂
而無所撫辰星以攄慮兮據雄虹而降觀飲積清之
浮涼兮依北斗而浩歎何民生之錯雜兮紛既有此
多難心猶豫而內訟兮悔有目之不見寤周覽以增

欷兮塊獨處此幽域鴟鴞萃而翔舞兮鳳鳥饑而夜
食衆輟沓以自媚兮焉誰察余之憂憂閔芳華之零
落兮秋風至而改期飈蕭颯以摧容兮天淫淫又陰
雨幽屋破而下淋兮牀一夜而十徙恹蘊倫以省故
兮冀一見之不可得日昧昧以將入兮掩衾裯而太
息惜余年之強壯兮常坎軻而滯留憐鬢黠之漸變
兮恐芳草爲之先秋情有感而難忘兮性有紕而不
釋念昔者之周渥兮孰堅忍而拋擲閔紆壹以饨膺
兮竊陳詩以自抒懼言弱而道阻兮恒潛隱而思慮

宣歸賦

正德九年是歲甲戌厥月辛未臣以居官無狀
得蒙寬譴罷歸迺作宣歸之賦其詞曰

昭浮清以覆育兮北斗平均而酌時蟪蛄微細而先
秋兮水知寒而流漸疾余生之蠢持兮性重剛而習
坎吾旣倖直獲斯厲兮孰復訟心於顛頷悲群志之
詭異兮恒忌勝而營已與已好則曰好兮恐憎蛾眉
而攻毀繫聖人無小大兮吾聞大道以天下爲公彼
黨同以掩飾兮繫非儔而謂忠惟古人之醜僞兮迸
四夷而投北胡今士之婪穢兮廉之則云伐德帝板
板以遼寥兮九天立而雲征滄汶汶以瀕夢兮豈察

詳而悉情滂澄清厥躬殆兮原靡豫而遭放美余焉
獲茲嘉間兮詔冠帶以流浪晨靈雨以揚楫兮溯江
漢之滔滔背朱明之游颺兮而長庚而北適瞥九江
余習儵兮超大別而逾迅介夢澤以洋溢兮風沔郢
以遵順宵認參鼎兮晝諦波濤痛定思痛兮瘳前車
而內切衆乖滑以善憎兮噉沓嗒而背訛諭嫵嫵以
朋附兮瑣刺齧而陽紿艷余惡以披離兮矯九仞之
翩翩趨溷悶以孤爨兮巢雲柯之蔽芾彼叢噪以側
眸兮含沙射而伺予夥千百以致一兮標寤言而誰
語陋嘍呶之僑態兮壽偃僂唯唯趨起生捩直俾之

曲兮民炎門磧而肉魚股血膏以日富兮佯減儉以
豪素哀窶人之填寡兮彼醜鮮袒而號呼心與迹旣
我逆兮焉飲食之遑寧憤粉飾之亂姣兮疇知余結
駟而憑膺時鑠金之冰鬚兮吏抱牒環而相勿汗簌
簌以零案兮風薄肌之瑟瑟恫潰澮以煩擱兮念偃
仰之不可得報束帶以例趨兮衷眩戰而狐惑徒文
繡之外彪兮內棘戟其誰知思玩慢以鑿遷兮則又
懼素餐而神災吾寧轟烈劣撤與世選兮良不忍骹
骹齷齪與草木而塵埃惟代謝之飄忽兮慨顏跖逝
而黃丘究萬變以定命兮孰長存而竟留懲夙昔以

質行兮吾幸夫前路之尚脩余指日月之顯隅兮迴
巖阿而槃考徒桑若以敷蔭兮移高華而分島仰峯
崑之嶽岑兮俯泉瀨之磴磴稊宵助以潛處兮探理
窟之英遠合性命而諗一之兮周覽陰陽之轉圜橫
宇宙以長觀兮驗妙門之玄玄混沌及而天地覆兮
堯桀泯而誰分篤述作以強志兮吾豈願來者之盡
聞

緒寓賦

炎炎赫赫歲闌茂兮舟西驚而逆流途路艱阻渺以
浩兮邁皇天之昧幽涉襄樊而濡滯兮時寒涼而雨
霖水洶洶以震堤兮勢擊盪而崩淫龜告我以茲食
匪兮望舊鄉垆焉洪濤伊誰詒斯跋蹇兮悒慘督而
中忉柏陽日之既冬兮爰諷吉而載牽駟牡旣秣余
遭滯兮躋廢城之曲鬱咎品形之流易兮賦吾性乎
惰急進退拂以奔波兮名與德之不立惟騶驥置之
椰間兮固狸馳之蔑如執成敗以律之兮彼亮飛出
而誠愚既矢夫捐身以酬知孰暇計完名而保軀悒
世人之善壽兮謂吾皇皇而求家尼聖尚有茲鄭門
兮矧吾庸鄙而過頗顧鹿山以凝眸兮壯江漢之繹
繹跡與心胡之偈兮精連連而靡憚效抽辭以閔還

今醜漢道之陵夷偉龍卧以消息今逢三顧而有爲
往者吾不及之今來者吾靡量苟得喪匪厥命今曾
賢智之盡庸審周章以游志今北風颺戾而蕭條望
原野之滌滌今薰臭奄而並燒善踽踽以奚恃今憤
壅蔽皎然莫聞牂矯情以迷浪今戲康莊而隱身重
日陟樊城以還顧今極南陽之永阡氣蔚鬱以騰攄
今星辰爛而下連慷慨者多戚今怛循蹟而嘯吟盼
白河之蒸雲今僂中原之勁風天靈灑以翳翳兮白
日曛而西匿繫人生之幾何今汲毀譽而縈臆

寄兒賦

正德七年秋兒枝以離思賦來獻余則作此寄
焉亦教之焉

鳥來自北兮銜章進辭開緘覽意兮閱爾峻思賦曰
風嫋嫋以先秋兮百卉改而動容時序莽其流易兮
塊余猶獨處此異江地卑濕而蕪陋兮孤俵俵而寡
仇愾直路之蓬蒿兮綱紀壞而不脩惟彼人之嫫巧
兮謀妁約以先意衆瀾倒而莫之支兮昭余志之獨
異陟匡廬以凝盼兮眺江介之孤城山合馭以迎目
兮清雲曳而前征愴荆吳之渺漫兮波水浹而交逝
瞻梁豫之逖逖兮情愴恍而濡滯日晡晚以旣夕兮

塵埃溘而蔽天役車載路而班班兮觀旗旄之翩翩
悲時世之艱難兮詢亂離而爭奪兄嗟弟而殷憂兮
軫汝曹之饑渴終風霾而四流兮冬不雪至於三月
春遲遲以方陽兮民背鄉而顛越揮耒耜而介冑之
兮青草錯而白骨鬱余懷以遭迴兮紛涕零兮如霰
帆彭蠡以浮游兮天地其方且齊吳榜以前舸兮
聊擊汰而容與余朝歷石壁之嶢嶢兮暮泊陽禽之
渚登隄岸以遼顧兮深林黝焉杳冥虎豹舐談以伺
人兮群狐狸而晝行哀死亡而無告兮橫屍蔽而臭
野斯固易懲兮彼益復耽夫刀弩惟以暴除暴兮斯

亂與亂相尋苟威信之靡忱兮吾慮夫降叛之詭心
宵攬衣以興嘆兮步明月於中庭挹河漢之回光兮
數北斗之朗星衝飈弗以驚惟兮熠燿亂而當戶華
何秋而弗零兮木何蠹而罔朽上智者先幾兮厥邦
保之未危何白日之初照兮浮雲起而翳之玉與石
豈難辨兮亦司者之罔察也鈍超軼以先銛兮胡朱
之不可奪也瞽煩婪以蹇剷兮步高城以散眸誦昔
者之怡豫兮內怵惕之無聊駐余馬于梁之臺兮又
逍遙乎大堤睨嵩岑之峻極兮覽長河之逶迤嘅伊
阻之自貽兮汝隔離而弗覲余匪貪厥好爵兮胡匏

繫而不適江洶洶以夕變兮木葉下而海波召飛鳥
以詒言兮訓爾音而永歌歌曰訶瀕洞以溷濁兮時
嶮艱而路危羨龍蛇之伸屈兮傾哲賢之順時孔桴
海而曾思兮伯陽西而流沙效梅生於吳市兮願抽
身而舉遐奉前德以創則兮肇孫謀而奠家

侯軒子賦

衆躁趨以幸成兮空踰夷而競先溷動勦以徑捷兮
卒隕已而弗悛彼靜者以天動兮謂定者非我能逃
恒謙守而需抱兮懼逆時而邁尤體孔言以居易兮
遵孟訓而行法謂非侯余何求兮爰名軒而省察軒
吾罔徒處兮名吾敢襲取譬涉川而戒維楫兮聊待
時乎吾容與夫桃李不能秋以英兮桂菊春而豈華
彼萬物疇不然兮乃欲速吾謂何吾討典籍以娛日
兮探性命之幽蹟冀河清之有期兮幸耀靈茲而未
夕苟積久而淹貫兮又奚窮達崇卑之足掛臆

石竹賦

有杳者篠叢彼阿徙置得地孺以華托根靈石發生
直翕飈佛樓翠風閣長竿嶢嶢翼紛若截爲雙簫雛
鳳鳴任心吹之靈霧生乘鸞挈友騰煙霧餐霞戲委
永無慮中虛允直性介固

萬曆壬寅孟夏日
長洲歸陸喬閣梓

空同子集

卷之二

空同子集

卷之二

北郡李夢陽撰 東莞鄧雲霄歛潘之恒蒐校

賦類一之二

送河東公賦

弔申徒狄賦

弔康王城賦

弔于廟賦

弔鸚鵡洲賦

哀郢賦

汎彭蠡賦

觀瀑布賦

泊雲夢賦

漢濱賦

右次賦一十首

賦二



送河東公賦

正德元年冬十月河東公以譴放還屬吏郎中

李夢陽作賦送焉賦曰

飄蕭瑟以感烈兮屬孟月之慄嚴霜淒清以紛下兮
風薄戶而竅吟余戒玄武使先導兮飭冥子俾抗旌
虬蜿蜒以服輿兮弗長雲而遂征三台又以踈闊兮
北斗揭而望余颺蕭冷以膠戾兮涉江漢之清渚悼
喉舌厥之厲兮攬少微而效光咎南箕之靡懲兮猶
翕吐而簸張朝余發于星之墟兮暮弭節乎冀之野
谿谷捌以復陸兮草木落而茫莽獸驚人之跼窟兮
禽枯桑而鳴號雪霰晦而零灑兮氣泠泠之寥寥車
輪困而不前兮心已逝而中留驂頓纓而蹶躡兮僕
夫涕而長吁惟先生之貞嫻兮幼崇方而嗜脩則英
賢之遺獲兮志臯伊而願仇躡泰階以承列兮奉鈞
陳而布耀酌元氣而執之兮冀容光之必照倚閭闔
以徘徊兮憤漢臣嘗請乎刀壯埋輪之義力兮潛掩
涕而憾遭惟封豕之崙崙兮彼舍問夫螻蟻豺狼縱
之當達兮柰衆臻而終靡幾不密固害成兮予良痛
乎陳竇之患斬蛇弗斷將自及兮誰捋虎鬚而竟安
曾闔仡仡之巖巖兮浮雲蔽而四舉玄螭九首螭蜒

垂涎兮守門嘻嘻而目余進既無以自明兮濟弗知其退之所營紛構誹以錫訕兮謂余亟之而亂程吾豈不知詭遇者易獲乎誠嬖奚之攸耻同者就而異者僨兮孰孤持而弗三禡策鴈行以前路兮背陰朔之塞疆馬騰攄以龍奮兮望山西之夕陽毅昌燕而卒逃兮叔向飛語而拘繆荷白日之曲照兮迺茲焉反余初服太行吟之迤邐兮岳壤廬而起伏踐桑乾之確凌兮冒涿霧之綽約爰十步而九顧兮九門漸而造天霓連蜷以上驥兮爛躔緯之錯連軫紫庭之多麗兮冠珮者至三千人步微風之珊珊娥眉入室

女斯妬兮厥亦世之故也寵移者嘗必加兮矧吾皓首之怒也企降覽之中反兮又鮮妣爲余之容思伊昔之來暨兮內崩剝而自訟沿易濱以不于兮沂金臺兮遭遘慨於期之皎節兮鄙荆氏之沉志謂圖窮而事至今糞戡贖而必擒謀之人成之天兮竟隕首而廟心哀壯士之不還兮躡殘壘而逍遙野曠曠之千里兮寒風唳而蕭蕭天剌剌以梟宰兮日翳翳而荒涼薄林壑之慘闇兮拂隆冰之積霜聆頽鳴以休慄兮惴嶢岬之荒眴川蕩搏之赤赤兮馳狸窟而嘈聒精汜濫之佚佚兮駟連逖而懈怠召豐隆翊余益

今喝飛廉而疾馳揚滹沱之文舡今驟并陘而單騎
偉左車之雄視今嗤陳餘之褊意張生旣收厥綬兮
趙由之其邦以喪陳子獵于南皮兮漢龍興而虎翔
惟休咎係之數兮大風起而潰圍苟增老不之疑兮
豈張韓之獲爲彼荏苒固膠合兮孰鯁直而罔殆展
氏介而三黜兮遽瑗奔而再危踰壽徐以橫目兮忤
并州之舊鄉亘墟曲之莢亂兮采茹慮於汾旁霍岳
岳以迎幟兮桂樹偃蹇而俟余狎斑豹于岳際兮鈞
淪淵之秀魚準歲功以消息兮御陰陽以卷舒追赤
松以授要兮從巫咸而卜居亂曰明明日月奠天維

兮太陰四塞孰將夷兮陟彼寥谷望河漢兮上無舟
梁眇炭湧兮嗟我寡翼安能厲兮顧瞻北斗中心惕
兮忼兮慘兮聊以卒歲兮

弔申徒狄賦

申徒狄諫紂不聽乃負石沉河而死

覽洪河之吐噏兮洵欲濟而無杭物有離而不同兮
勢有激而難當劇厥人之抗行兮羗自沉而弗疑恬
齋志以長畢兮庶聞者其猶悟之彌六合以設弋兮
鸞鳥騰而不反蛟龍湧以避害兮惟恐去之弗遠不
吾知其亦已兮何荃之忽焉而莫斯睹監四方以求

空同集
索兮孰聘美而釋女曰群汶汶以清濁兮班予馬莫
之適也衆披離以障之兮又入而莫之白也進惴惴
余瞿遽兮固不若死之爲安寧負石以葬河魚之腹
孰忍利菑而盤桓竭誠信以諫君兮反罪過又謂欺
惟堅僻之類忠兮任飛廉而不疑余固知佞媚之能
周兮經秉質莫之移也介塊處而無營兮又衆人之
所哈也既謂干爲忠兮胡又附雷開與惡來既曰切
人微兮曷不委曲而導之悲時俗之顛倒兮先生獨
遭遇乎此時燕雀烏鵲噪堂堦兮鸞鳳出而見縻曩
余知材朴之爲崇兮迺強而不謂之信然苟作善降
之祥兮彼梅伯又何以顛捐規矩以改錯兮斯固時
之態也荃旣與彭咸齊名兮亦何必怨此害也鬱終
古其侘傺兮替悒悒之不可平循隋岸以邇迴兮戒
舲船余怍營沂河流以投辭兮氣紆結而填臆慨往
后之迷誤兮社稷顛而用屋重曰昔有大夫曰申徒
兮懷瑾弗展負石投河兮寃抑內憤靈汎濫兮湍瀨
磔磔愁人心兮忠回倒植固庸能兮嗚呼先生女又
何懟兮伯夷子胥與爾爲類兮

弔康王城賦

趙宋高宗爲康王築此以拒金人

隴側桑以歆根兮飈沙慘日而瀾漫勢斷屬而連天
兮寒蓬卷而翩翩覽靈波之汪洋兮惋九河之善崩
臨决口思前往兮尋北原之故營塹莽沒不可見兮
莽千里兮繁蒿旋風四起埃飛蔽日兮鴈失群之嘈
嘈怒壹鬱余顧懷兮夕駐馬乎河之渚想張韓之旆
旆兮望朱遷之雄壘嗚呼哀哉兮山陵委棄江介是
都登佞黜良兮社稷丘墟宮殿瓦礫兮二聖爲俘嗟
嗟彼何密而茲何仇懷執迷而弗悟兮汚分疆而取
憂

弔于廟賦

正統己巳之變少保公有社稷之功

棟宇頽折兮四顧無垣鴿雀嗚噪兮雪壅其門風衝
激以拂帷兮慘九州之肅泠軒長河以飲景兮飛光
至而舒靈何先生遭不造兮定危邦而永存用才者
終固鮮兮孰震滿而完身顧瞻宋京兮追念雙帝組
頸爲虜兮單馬北逝虎臣視而誰何兮英雄竄而蓬
蒿有憤壅蔽而發疽兮亦有垂成而反被劉嗚呼先
生成敗難以逆度禍福不可豫謀死苟足以利於國
兮洵齏醢而焉求

弔鸚鵡洲賦

承 帝皇之嘉惠今荷在陋而明揚信枯楊而再
華今懼身微而命彰歲協洽以南鷺今觸炎日之盛
陽浮江漢以長邁今過夏口之故城洲蹇產以噎噎
今劃衝江而絕流覩佳名而中惕今弔斯人之不脩
我旣佩明月與寶璐何不遂凌世而高步舍玉駟而
不駕今又奚暇與豺狼而爭路惟聖人之貴時今神
龍豈人得而縻彼鸞鳳之謂瑞今固亦以其高舉而
見希何先生之靈嫫今獨不深藏而遠游也偈取方
以捐育今吾恐睿者之所尤也繁炎鼎之旣淪今世
淆濁而崩改操梟視而虎噬今祖又貪夫厥土荃縱
不甘心於厥儔今獨不可色斯舉也嶢嶢者將必缺
今余固知仇者之不與也矯吾權以淹留今情覽望
而增傷靈惝恍而如見今聆湍瀨之浪浪山壘壘以
來合今孤墳鬱而塘滂誦英篇以沉顧今痛翠禽之
蚤戕物有以舌羈縛今人有以才隕身譬用機各攸
當今恨見幾之不先心屈怫以怙悞今翳營營之不
可留沛揚楫以東進今順武昌而下舟遡巖岬以却
視今投哀此於斯洲

哀郢賦

崔嶽崎以旁靡今困京顏之崒嶭隍壘燭而莽沒夕

颺勃興奮今闐鞞水鳴呌而巖斬觀敖墳之嵯嶭兮
躋莊王之登檢泊石城以盱眙今望江陵而涕流壯
洞庭之森晶今繫江漢之玄洲掩陳蔡之弱郢兮控
荆揚而上游俯灘瀨之淺淺兮傷楚平之破丘伍員
奔吳兮屈生浮湘懷行罔返兮厥民用喪蘭臺肆侈
兮玉差進淫陽春消歇兮黃鳥沾襟陵井塌而狐穴
俾人哀而迄今

沉彭蠡賦

正德六年夏五月李子赴官江西南道彭蠡之
湖作賦曰

仲夏悒悒兮湖水洶湧戒舲舟而逆進兮志定意恐
朝發湖口兮巉石纜牽搶帆午張兮陵急洋而縱船
洪澇吞吐兮杳莫界際淡漫瀆洗精神搖兮浪起伏
而來曳曩余誦夏記與酈經兮識彭蠡而心慕繁厥
水集流夥兮挾十州川而北注合岷江東之爲東江
今脇揚吳而騰海包敷淺而瀦之兮撼匡廬而使改
惟據巨者附斯衆兮滿之者驟必溢彼何怪弗之潛
兮抑何摧而靡極射者萬鼓之千兮叢谿壑之湊趨
澎霆崩以箭疾兮勢獄頽而電舒匪莫究始兮散孰
察其終龍蛇逐之何載兮至今窟而以官祈之錫嘏

今侮之掇肯怒之風雷愉之霽今亦厥靈之攸逞潮
岸峇以厯闕今倏當晝而忽陰上下既顛置今孰又
辨昕昏與北南睇衆山之劔攢今爭負高而竟降闕
膏麓之淤澱今奄焉墊而爲江緣木末而巢室今民
浮居而舳艫悼隻雞之寒嘯今寂氓濱而守鼠亂左
蠡之沸沸今壯康郎之浩汗濤沃日而明暗今巒島
涖而渙散瀾已俛而復昂今渦溢凜而接連瀧無風
以橫飛今潭澄渟而布漣龍夭矯以戲灝今粵枿沉
而吹沫芄蒹沕之昧昧今魚鱉貫而鱗鱗具區洞庭
方余不暇今懼九圍混而黜冥苟清濁軋其瀕瀕今

聖愚一而泯靈胡弱草丹而華今反泓棲而矜彩鳧
莖龍鬚葶蘆蕙菰繁其被汀今紛振翰而雲駭彼陽
鳥旣逝今鶻鴟嘻而專已羈水馬以闖犀今蛤又濡
珠而曝殼詭殊錯以跳跟今有曲牙而鹿其角旣逆
鱗而返舌今復獫首而象鼻汗針尾而戟鬚今族鼉
鼉乎濇濇誰非含生而願遂睹彊柔之闡齧今唾陽
侯之懦怠縱鱷鼉之恣肆今甘失職而蔓災虞坤漏
而陸沉今條一嘆而三泣蜮吸颺而排砂今時負渚
而人立濺雨迸而冠岫今岸衝樅而壑落詫妖譎之
多態今魄撼促而心愕瞬今異覲恍今變索究之諒

奚以兮聊戢楫而遊淫夕景掣以波下兮石鐘磳礧
而竅吟追三苗之卽敘兮曹文命之訖敷彼九江未
之殿兮余誠憂鬼類之聒呼迺橈人之罔諳兮祠九
首而丐邪愚者吾靡疵兮鄙明賢之用頗景神姦之
勤算兮數歷鉉誰弗竟危魁魍支祈僂強伺間兮憐
臨湖而嘯悲

觀瀑布賦

空炎陽以北邁兮遡敷原之上疆遵嶽南而遐陟兮
廓晴流而志揚日旋旋以景旗兮嶰崎嶇乎微行峰
吞吐而迓余兮嵐裊翕而颺路超歸宗以翹盼兮觀

開先之瀑布諗前記而髣髴之兮眩飛空之孤形誦
銀河之逸句兮精陟天而九征挾巖潭以上氣兮接
神漢而並垂積雲左右以傳彩兮霞表裏而秀姿沫
霏霏之晝霧兮崕丹翠滌而蕤蕤光金黛而亘霄兮
浩呼洶之湧湧龍朝帝以潮從兮虹爲梁之總總韡
若華以西曜兮東扶木兮倚明星辰涵而布錯兮岳
瀆影之其中絢練恍惚百怪潛兮勢明晦而無恒睇
之若住忽奔噴兮石雷壑而驟崩經香鑪以熨紫兮
破雙劍而氷攢踰黃巖以珠迸兮籠玉殿而金煙濯
炎女之玄髮兮苔離根而永生掛洞宮之翼翼兮隱

芝箭而懷情沸混混之爛爛兮飈瑟馭而涼風泉滾
滾而安竭兮孰尋源而卒窮恣劃劃以緇紛兮渥華
巔而分派水簾谷簾亞之揚兮靈終古而并戴巍嗽
吟而上行兮疑質違而性非蒙井厥流常兮譬鉞顛
而血隨吞日月以膏顏兮震雲氛之翼翼江海巨而
昏墊兮哀趨卑而罔直體融陰而內陽兮準坎離而
向背嚴不蓄類迺澤物兮醜彭蠡之汪穢浮朱鳥之
寒景兮爭龍騰而據擊擊高者韻斯宏兮谷哨啄而
坤坼赫翩翩以倏助兮小鴈蕩而不眠露霜霾而離
離兮處遼域而孰知怒孝宰以思逞兮后咋略之唼

唼晴電追之霆突兮信駭觀而搖臆猿纍纍以竊窺
兮倚石鏡而呶嘯燭焯灼的皜皎兮類至人之懸
照肸颯達徠兮翔太始而留耀歌曰造龍池而叩之
兮究瀑布之肇踪巔湧而壑射兮誠神靈之攸鍾轟
邇惑而遐暝兮壯二儀而永效磬鬼怪避鑑鑒兮微
瀑孰以察逝者之高妙伊動者必定兮潭宵沔而淵
峯礫之灑而寧之清兮厥金水之共質亂曰相彼山
泉澗濬遭漩勿谿朋連洵遵科以造海竟隨流而泯
瀾覩厥瀑之靈詭反群詫而背誹吾苟若天地以遺
聲跡亦奚暇校高下與狐疑

泊雲夢賦

將超野豬之湖風西而阻乙丙丁戊兌颶颶
旬餘轉迅問之老人曰此南陽之風也厥陰始
生應諸少陰之方

幼余紛以好覽兮懷長風而浪濤夏匯液之浩浩兮
阻雲夢之逆颶哀南紀之攸墊兮包荆衡之衆山貫
江漢以爲絡兮勢朝宗而播瀾翼潛沱之翩翩兮掖
景陵之峩原吞沔鄂之曾隰兮沈透漭而炭漉坻岬
岷兮掩翳橫余前兮蒹葭紛而蔽天月重陰以繁雨
兮駭厥鷗爲之先鳴邁大別以悠泝兮邁少陰妬而

用情次大澤之巖隄兮睇風雲之上征惟彼斗酌而
靡均兮縱柔金以噓吸孤心昏以徒爛兮越西流之
避及覽萬情之翻覆兮爰背坎而向離指朝景以辨
位兮定星辰而訊期極明晦之變態兮盡洋澇之淫
淫倚舳艫以凝睇兮數周圍之峻岑勤伯禹之土又
坤維奠而至今情瀟滢以無依兮聊唁昔而周章慨
五湖之見幾兮詠孺音於滄浪胡洞庭之險塹兮三
苗區而蕪滅舳艫蔽江以來下兮孰攘攘而非衣食
往者旣不可追兮吾寧俟時而矯心掇陽漭之文具
兮采芳芷於漢潯龍擾余以負舫兮珠夜游而光吐

憑烈性之難抑兮淚浪浪墮而思古誦曰昔有郊郢
厥惟楚都實邊雲夢百雉其郭何材弗殖寶玉明錯
魚鱉麕鹿於物許許麇麇甫甫齒革毛角有茜有堊
各以類積礲礲岳岳服食之屬芋臬絲葛甘鹽苦酢
靈餌珍藥鮓弩勁箝犀甲狼毒王府充溢宮室棺槨
商旅沓至貿遷繹繹漁牧諧足鳴琴巷琴國以富强
鞭撻晉秦挾鄭狩獵出入二數旌旗千里戈船璘玢
金銀璨瓘倏呻忽閃獸柴鳥墜追者稱善後王何道
游關靡返懷沙奮辭邦墟憐惋

漢濱賦

余過解佩灘憶交甫遇女之事於心感焉作漢

濱賦

夫何二女之頎麗兮遵蘭皋而並翔順微風以鸞顧
曳文袿而交揚躡雲鬱之華履皎羅襪以雙步凌漢
潭之漉波掇瑤草於芳露態婉嬾以窈窕情同嬉而
中乖超灼灼以齊赴忽含顰而怨偕眉疑低而復伸
脣欲啓而羞面嗟巧笑以回瞬目盈盈而流盼翩兮
驚鴻恍若裊電仰西方之織月悵邂逅於嘉夕足將
移以躑躅魂已逝而聿役忤多露於蔓草矩漢廣之
貞游或有粲之奔密慕娥英於湘流揮柔袂以掩涕

寄朋素於明璫效鷄鳴之贈珮厲霜心於鮫光倏潛
耀以莫覩撫衝飈而懷形睇征雲以西迅衰飄芬而
淚零面三星以申詠悔朝陽於首疾伊綢繆之幸諒
詎穀焉而同室

欽洪大德長洲

張敫曲水園校

空同子集

卷之二終

空同子集

卷之三

北郡李夢陽撰

東莞鄧雲霄欽潘之恒菟校

賦類一之三

放龜賦

大復山賦

河中書院賦

朱槿賦

感音賦

嚏賦

鳴鶴應鐘賦

觀禁中落葉賦

惡鳥賦

鵲賦

螺杯賦

貢禽賦

水車賦

四友亭賦

冬遊賦

右次賦一十五首

賦三

放龜賦

畜有二龜李坪驛俯長江之流目發育之溶溶
怛然有傷於二物復思趙抃放龜事千載同懷
爰放二龜於江潭已作斯賦比興諸義聊抒鬱
志非諷一而勸百者擬也喻兒子亦作

精細縕以游魂兮各含和而構形何茲物之詭異兮
獨神超而蘊靈準麟鳳之隱見兮呼吸陰陽而卷舒
善伸縮以遠患兮匹神龍而水居嘆賦命之多蹇兮
遇且網而見執蒙若子之珍視兮戒航舟而並畜仁
人細弗棄兮迺伊欽余之素貞曰雕龍豈林游若兮
爰偉賢哲而用情譬機羈之願脫兮慮曳尾及而遲
暮俯洪波以余縱兮瞪長江而徑步歌曰醜混混以
流形兮孰厥龜而副嘉外負介以昭武兮內文柔而
靜遐體穹窿以則乾兮履坤方而祛慝鄙饕餮之諛
世兮寧吞浮而飲息沐澄泠以棲寂兮戢潭荷而保
身文於列以布象兮色蒼古而玢璘景至人之赴義
兮將剗中以効誠怨穆卜之靡諧兮懼捐軀而莫明

虞歌曰江滔滔以東下今兼葭莽而波濤幸已縻而
終逝兮劃順泛而長逃念曩昔以中惕兮數惟拘縱
之所殊思范楫以依徙兮願附孔而海桴鳥故林以
悲鳴兮獸躡躅於前丘軫宿黍以迴透兮躍溲溲而
涕流亂曰聖欽元龜戒朶願兮十朋四靈榮以時兮
淵潛罔沕出斯縻兮求仁見夢厥無惑兮剗腸灼螯
爰奚益兮謚兮龐兮齊天地徜徉兮

大復山賦

夫大復山者荆徼之名山淮實出焉淮過桐栢
始著於是禹道淮桐栢始淮山二精發於何生
產諸申陽何生於是自稱大復子實非遺淮要
有攸先焉爾余珍其人爰造斯賦不煩諦瓊義
意畢矣然辭猥調邇知音君子諒有譏焉或曰
此山胎簪亦其名云

噫吁戲厥山峻崛沸兮填鴻龐而導九川爾其巖巒
隗隗崆嶮巍蹙增峯重萃合沓蔽日曲勃焉安連巉
巉而棧棧迺有危峯七十輒咖岳岳峭嶼嶸岬岬岬
蒙焉千里望之蟾蜍飛飛兮若鬪龍之附於天也類
而察之萬山駢戟劍森戟攢爛若踴蓮下則無底之
谷呬坤維而曳玄淵昔盤古氏作茲焉用宅是以濁

清判三紀揭瀕洞開明劃日月厥山旣形餘乃發故
爾上冠星精下管地絡聚膏以爲崇滲津以成川竅
若浮肺萬谷溷旋神瀑湧焉飛流崩嵯走壑蹴石噴
雪釘鐘礧砰鏗鉤迅霆擊虹震于太空若其勢磅磅
逆折狀若胎簪嵩首殿其北荆沔包其南右標熊耳
之嶺左朝桐栢之山其陰則凝冰積雪晦明倏忽翠
篠丹澤其陽遊颺吸歛重黎攸宮東有日華之林陽
榮之風西則涼霏素露淒淒清珠樹粲英若爾材
林浮雲寶藏蕃興騰氣簸氛至其觸膚寸而起也櫪
櫪乎波駭山靡不終朝而天下雨也於是生人立禽
獸伏草木殖靈芝秀宮闕醴泉噴其側於上則神鶴
威鳳翱翔吸甘華百鳥從之振翰若雲中有玄熊綠
罷騶虞游麟猿猱麇麇百千爲群樵採牧獵之子唱
歌出林響振峽谷咸踈躡迸逸不見踪跡於下則長
淮發源配天迪坤混混汙汙江河並尊受珪上帝䟽
穢錫存乃有祈靈丐禧梯航而來沉玉瘞璧闐塞路
達若爾幽崑之栖真兮三三兩兩御飈轂抗霓旌左
控白鹿右翳紫莖燎兮若將逝邐延立迴風淹留兮
攀林薄道遙兮山中於是稱曰春草兮萋萋思公子
兮傷悲君處叢篁兮終幽險虎豹暮咆兮蛇虺舔談

空同集
公子兮歸來雲冥冥兮石瀨潺潺

河中書院賦

有序

鄉人呂氏以諫官謫蒲蒲故有廟娥眉側祠太
山也呂至移文廢焉曰山川之神祭不踰境非
鬼而祭孔門諂之某職叨佐邦靡敢弗經也以
問其守守曰敢不惟程問之校校官若士曰程
敢不承察諸民民翕翕欣若有興也於是廢其
廟稱書院焉而祠有虞氏於內曰蒲舜都也配
以夷齊從以王薛左之名宦右之鄉賢量宇聚
徒區田祀養考鐘伐鼓視履迪業李子聞之曰

善哉呂氏知教本矣夫驅邪以端拔怪以常伐
慝以昭破淫以義是故君子之於邦也不患不
從而患弗躬躬義布昭敷常表端以是而教鮮
不率矣何也四者其本也然又斷之以獨協之
以同行之以勇迺奚往不濟矣夫淫祠罔福故
鐘巫禍隱神降亡號往鑿具燭然河投娶婦祠
毀妬女世每罕聞何也怯者怵于利害疑者沮
于異同庸者安于習俗才者憚於改格故曰非
勇何行非同何助非斷何成三者既獲四本迺
立然後經定程堅教斯興矣是故君子不爭而

醜莫不同不煩而衆莫不從標立而影隨近聲
而遠應凡以是爾李子曰余爲呂作賦將以比
音搗調泛絃流管俾大者歌小者哦觀者采焉
陳之太師爰知蒲政賦曰

帝炎氏之蟬聯兮厥岳四而布分龍九川以蘊根兮
中敷葉而竟芬翊華蓋以陟降兮邁白日之旣夕忿
攬槍以抗言兮帝乃怒而遐斥攬余轡以周游兮登
蛾眉而縱觀睇魏廟而增欷兮愾下淫而上殘曰噉
噉魯所瞻兮嗒胡爲平蒲之壤非其鬼而祭之諂兮
曾謂泰山不如林放惟時俗之詭譎兮恒造怪而亂

真日隱求以僥福兮徇惑群而誤民宇噉噉以嶽立
兮巖廊翼而雲構旣竊號以據要兮復創形以之鑄
鏤內泥苴而樗惡兮外猙獰而儼嚴冒衣冠而土食
兮燁朱楹而繡簾龍蚴蟉以梁騰兮獸夾隅兮躩跼
鈴荅臘以簷鳴兮幢繽紛而旖旎執命柄以消息兮
握陰陽而運樞怒之雷霆悅春陽兮役鬼神與豹龜
生吾生而死吾死兮謂苦樂死而遽殊苦極措以僞
憇兮樂羽葆而駟輿衆駭心以搖目兮伊誰辯渠之
假真民溷溷以朋從兮憧情迷而喪身蹇不于以攬
涕兮哀斯人之無知軫聖者之故都兮蓬蒿鞠而徑

岐山四雲以波湧兮日晚晚而就沉河洶洶以趨下
兮松栢暮而風吟班余馬以北首兮望九天而魂征
招飛虬駟而上訴兮閭闔聞而晝局余回駕以東指
兮薄日觀而聊憇願釋誣以祛穢兮岱謝余以弗哲
沛蒼野以遼邁兮卽重華而跼傲靈總總以騰陟兮
爛北逝而後先臨舊京以遭延兮倏若去而中留颺
拂巘以明滅兮右涉瀨而夷猶埽除兮蕩滌清宮兮
供張風泠泠兮入牖神陸離兮果降羅桂漿兮椒食
琴瑟作兮鏘佩玉恍彷彿兮莫親工祝告我兮顯則
曰俗不可戶說道不可塗求端物者端已治人者自
修二氣推盪禍福倚伏時罔常泰日中乃昃王革以
義霸救以力巡守廢歇明堂載黜爾乃七十二君封
禪侈矜玉符金檢顛嗒是登夫習沿於襲勢積於成
昭縮以獨愚淪以朋踰分之祀匪今則承立經斥妄
言諄志勤爰惟政本氓哉爾欣

朱槿賦

司陽兮燭烈涉秋兮逾熾覽逝兮中蘊游物兮掄志
躡庭木之榮麗閔含芳之不脩傾朝曦以擢華夕景
至而隕枯伊賦形之靡移諒天道而奚私幸見標於
哲典厥登詠於刪詩何有性而易遷恒隨所而盤據

條荏苒而孔弱葉繁陰而繁布蒙薰風之拂披爰脩
妍而運縟旣抽鉛以剖絳遂希芬而效馥濡溥露以
膏韻藉垂光於杲日熨炎陽之靜彩裛絕代之英質
態疑層而遽損媚若斂而復出光飄灼而靡定恍若
流霞過茂草爛若慶雲遊春沼宛戀窈窕玃猶縹緲
或爾托文堂之隙寓奉君子之榮輝側朱陛以敷蔭
競葵榴於赤墀屈纖枝於皓腕徵瓠齒而清歌歎形
微而寵重屢回笑而增醜天暮日夕顏銷華落辭高
墊卑飄蕪汎濁檻塵池緯撲簾續幙或委空曲或飛
土苴颺叢迴波蹂踏坐隅觴停鐙昏主倦客煩鳥履
無序折釵碎鈿几席狼籍相命駕歸旋於是棄騰擯嬙
愁女怨姬出幽房步苔階搥金局吟殿月掩團扇而
涕零徙長門而望闕攀斯木以凝盼掇實萼而中熱
足將進而踟躕立長廓之肅陰軫蘭臺而首疾咎增
城而痛襟思恂恂以攢內泗交頸而淫淫嗟容色之
難恃慨懽懽而異營佩薰芳以順委庶生榮而沒寧

感音賦

夕杪春之嘉月美桃李之芳陰躡飛陛之微霜仰天
漢之橫參切逸弄而駭顧識六孔之流音起於綠波
之濱翔乎綺旒之林芊緜乎縹緲放肆而續紛激擣

軒遏行雲邁迴風以中絕鬱哽咽而斷續詳乍浮而乍沉度情回而思曲積憤迅發金鐵齊鳴壯士怒而髮豎若石裂而崩驚逐臣歎而予孤子呻而竊憐爰抑節以徐訴信悠怨而誰宣類慕仇之隻禽悵山危而海深離虬舞而不持嫠婦啼而夜吟託黃鐘以根奏旋少陰而寂寥衆淹泣而不忍精慘惻而魂銷思躡跡以寄懽軫天路之昏邈苟浮雲之足攀願假翼而申約誦春陽以增欵懷冲調而鍼心情氤氳以中結神恍惚而外姪外姪今躑躅若臨水兮將別遵大路以翱翔摻垂條而采折期布志於情親懼馨香之易歇詠落梅以自明幸傾筐之在挈誠蘭質之見珍畢余身以長訣

噓賦

人秉陰陽皮毛肺兮六淫相薄風斯噓兮彼我牽念噓亦至今靈往精徙固以類兮逐臣兮江濱放子兮辭疆思鬱抑兮內結嚴飈慘而肌傷熱懷沙於夕風履中野之晨霜涕噴迅而染鼻洩交頸而浪浪疾有幸而甘心情有離而中還歎終風以踟躕爰託聲於願言步巘殿之蕪苔曳迴颺而影旋幸回光而一噓倘顧笑而申懽痛華絲兮衆進懼黃裳而永捐

鳴鶴應鐘賦

惟懸金之奏響或宣晨而報夕既朋趨以典列爰計
晷而旋服何茲禽之抱慧矯圓吭而振羽驤回颺以
衍衍跂浮雲而望翥應昕昏以引唳暢幽積于清吟
衆喧闐以畢日孰詳忱而撫音步踈越以延志歷堂
陰而俛啄怨情遐而跡凡恐霜儀之永濁豈余居之
未擇諒時命之靡齊悵玄圃以孤逝匹文鸞而接飛

觀禁中落葉賦

颺溲戾以寥肅兮廊宇靜而蕭條覽宮木之隕零兮
哀貴賤而並凋辭珍柯而永絕兮邁回風而吹舉撼
金鋪以撼颯兮排紫闥而求侶爲長飈之所接兮倏
激響於青雲襲日月之末耀兮攢玉階而委身譬賤
士之利賓効琛贄而熙載離鄉土而遠適心縈思而
搖旆忽兮若聚儻兮分散儻碩果之見知卽萎離其
何惋

惡鳥賦

厥何區之叢醜爰賦形而不淑毛拳跼而頸豎乘陰
陽之奸濁體癰腫而截瓠惟鈎喙而鬼目誠昏譎而
妖穢枉氣化而生育恒聞聲而罕見畏衆鳥之追捕
懼杲日之融顯羞宵征而晝伏棲託軀於惡榦浴刷

羽於汗流嗟錫腐之是飽棘墓門而巢幽旣寒炎而罔識詎孝友之能服群磔母而始習雌同卵而求匹昧懽嘉之美音乃前凶而豫祲集何方而不惡鳴吉違而承吝君子獲而外咎小人遭而中鑠恃詭秘而靡覲愈騰驕而翔虛上帝握令神明予奪豈曰不知庇此沴族無因獲災賢弗有祥過遺之音夜誰可防周鴉哀訴賈鵬歎傷帝曰人命有初禍福不爽禽得氣先終豈女戕

鵲賦

有翩翩之珍鳥乘陽剛而含哲擇喬榦而託處信于

飛而頡頏性靈達而好靜恒相時而豫移知多風之害患則徙巢於下枝善傳祥而遞音類明士之幾悟遠林巖之遐聞遊庭松而棲寓虞殯弋之見尋於君子乎是依飲九霄之曙露啄嘉實之離離黃鐘厥月天地閉藏雪霰紛其交下烈風嚴而雨霜群植寥乎未拆諸動潛于深密羨斯鳥之前覺獨銜槁而營室窿象天體方則地矩義備晦明智蔽風雨諳擊衝之玄括背太歲而啓戶諒綢繆之軫心黯拮据而誰語慨春陽之未臨聊俟時而共嬉感主人之隆篤戒彈矢而罔欺步玉除以俛啄微風歧而自閒冀融景以

空同集 十一
驥躍昂清雲而拂旋激神化以耀德逢印赦而幻遷
庶遺安於衆鳩順天命而自然

螺杯賦

左叅議屠君宴客出螺杯焉天然厥形精瑩異
常屠君曰螺江物也得諸漁人托之以金可注
可飲稱杯焉右使黃公見之喜不自勝黃素於
酒溢於是則連飲數螺螺迴酒不輒醕也黃便
仰脣傾務盡之許詩贈螺李子作賦賦曰

匪方匪圓珠姿瑩澈質脆精堅五色文錯素浮檀焉
抑之金聲玉避其温含華結液海鱗疊紋苔潤浸積
幽光吐吞昔嬉大洋今佐貴尊違彼龍窟媚我綺席
枯殼不捐主人優渥鑠金靡熱墮指罔裂天然逞殊
焉雕焉斲凝如竅壁映猶飄雪公輸無所措其巧王
爾祗自慚其拙烏履雜嚶堆腥蹂鮮瑤爵登几飛觥
四筵醲不及寫揮掌啾誼螺於其時傾之不醕頓之
靡安心焦意煩宜瓶壘所笑而觴觶居前也才會俊
集風榭月夕崇潔進高揮鏤擯琢鄭彼黃流螺以壽
客目悅情愛悟義推德納洪舉輕類有餘兮飲不輒
罄藏若愚兮屢傾屢至來徐徐兮非藉弗安相厥處

今外瑩內虛以授爲容兮旋形錯彩潛友龍兮吸月
之華奴蚺蝻今翔于溟溟瑞由江兮委身君子俟時
庸兮

貢禽賦

異乎翩哉黃旗南來海竒越珍鳴舞伊軋戲船續紘
毛羽絢爛走飛緇緇美妙極臻步止異常巨細情態
駭人鳥則秦吉了畫眉山鵠五色鸚鵡番鷄孔雀綠
鳩火鳩白鷓紅鳩猿則金絲通臂猿獾獼猴小大什
伍有朱喙丹距玄體白趾絳冠翠衿黼黻相倚蒼黃
文錯頸繡練尾紺目噉額金花鐵背旋如雪迴並猶

錦聚詭質慧心巧舌人語清若笙簧睨滑瀏爾其
選山澤設長羅搜妍迹捕流影購工懸賞效獻思逞
祖禡皆作劇閑齊警萬人波逐千騎林騁下無跼獸
上無康翮十百獲一地搖天仄於是飾雕籠裝寶絡
戒虞官慎水食有山林之所未有食人之所未食而
乃辭島邦別瘴隅道蒼梧逾番禺入江湖歷荆徐艱
難萬里達于京都或有濕燥氣有涼炎春行秋至溫
不敵嚴毛顛尾鍛鮮落瘁添經城吏懼邁野民憂幸
其過速斂錢而昧至則昂天軒覲豪門振紫庭浴漢
潭美豢官坊殿縱上林豢者如浮縱者若沉味不升

空同集 十三
俎毛革不御此何物者而蒙是榮遇拔微登賤永棄
風土於是歌曰聖王卻珍禽獸靡哉貴賢游德麟遊
鳳儀役神遐異厥民之厲白狼以歸荒服不至

水車賦

厥甃有輪一側一覆覆者旋左側承以屬各有犬牙
錯銜摩軋象彼兩儀環周樞幹有百其肩牽聯承乘
必噓斯降有挈乃升成功者退四序之旨行息棘紆
於厥輪視噓者受一受者在中長槽引之無寫弗通
受曰含弘通曰流形默濡旁漑支涸源淳其動也時
其靜也虛一氓操之與造化競驅夫其惟水車乎

四友亭賦

夫物有情契事有偶同人大觀氣有流通故
一本而視同體之義存焉體物著用因心之懿
宣焉命友以四倫數之天天定物合事之奇也
闡名設亭訓之推也故墳篋之音暢於家而後
孝弟之風行於國何則敦薄銷鄙非久弗著也
故詩曰和樂且湛久莫要於不變不變莫如松
竹梅栢人友其一而亭其間而盤而桓所謂事
同情契可以大觀者歟矧吾一氣也乾父坤母
物不吾異也哉於是賦之賦曰

繫許氏之爲亭也左崇嶺右大江架盱豁軒紛麗占
巨域符名邦上納噴吮下壓濤瀧屹鐵城之東折割
勾吳之西封圍之以金焦之秀標之以芝山之峯爾
其經始也召班爾謀詹咸諦璇曆證虎鈴伐直材於
太古之谷礪文石於千仞之巔慎陶鍛而兼美雖鏤
雕而務堅旣測圭以定景復銓辰而考躔信抱形以
回勢亦負阜而面川則大壯以弘義乃取乎上棟下
宇法三才而樹本故使之下方上圓懼窒閉之傷順
則以之四洞八達惡巧麗之賊久斯尚夫樸厚渾全
孤立乎曠濶之圃俯瞰乎蕩縣之阡而乃藻常棣而

爲梁糝紫荆而爲牆雜之以蘭夷椒桂繪之以玉碧
文章苞忠厚以爲基準虛明而開窓仰穹窿而體健
俛靜直而效方遵扁啓於昕暮式向背於陰陽於是
則徙嶰谷之稍運徂徠之榦拔新甫之竒挺收孤山
之芳翫水潤火暄義培仁灌冲和融結寒暑變換條
華歛實俄聚乍散玉瑋雲鬱素飄蒼爛或偃蹇牖戶
或昂藏霄漢或巍若大夫或瘠若君子或如幽岬綠
裳翁或如空谷白駒士或岳岳而立或娟娟而倚判
體合蘊殊狀詭形輪困離竒剗削娉婷望之溟濛就
之矜坼日爲之視風爲之聽雨爲之沐雷爲之醒煙

爲之韻神爲之冥茲四物者非所謂天下之至靈歟
而奚萃吾亭也迺有蘭昆玉季鷹行雙雙攀勁拊脩
振英掇穠人取其一稱爲四友乃於是召上客呼戚
儔敞翠帟羅珍羞膾江鮮剝吳牛進楚舞徵齊謳飛
兕觥列清壺益之越錯侑之海腴解帶傾庶羞促節
紛高倡組伐木之亂簧闋牖之章欽友于之嘉懿悲
粟布之見戕調瑟琴於旣具沸墳箎之遺響已而樂
希顏酖主賓共起徘徊於四靈之下衍遊於葱蒨之
傍吸霜柯之明雪飲蒼玉之浮涼拾香鈴以蕤鼎採
寒葩而泛觴掣懸茗於上枝散啁雀於叢芳避松徑
以行丹鶴護竹實而需鳳皇於是各命侍兒遞節緩
歌出歛入趨絲肉相和松兒歌曰若有人兮佩鳴環
脩蒼髯兮抗冰顏抗冰顏兮吾之友心莫逆兮萬斯
壽竹兒賡之曰有美一人其脩如玉翩翩翠袖日暮
空谷暮空谷兮憺忘歸居有朋兮我心怡梅兒賡曰
子醜妍兮華我惡於子游兮元之素元素本無垢歲
寒願相守柏兒賡曰冠峩峩劒陸離綠髮氄氄褐歲
蕤歲蕤靡時改中路莫疑悔歌畢主人乃還客入亭
復坐引觥而各不自覺其頽然醉矣客則強起婆娑
舞其歌斷續弗調似亦賡前歌也歌曰吳江落楓洞

空同集
庭下橘朔風有嚴玄冥變律露露溟溟膠今而慄龍
蛇以螫百卉蕭瑟堅者隕榮脆者銷質是時也不有
此四友者於斯亭也孰與壯天地而光月日哉

冬遊賦

仲月之交役車旣休草木變落水涸不流於時駕車
命侶辭園涉防斥長阡以橫目眇煙藪之蒼蒼零露
下而草濕清霜飛而柏傷浮雲翼其四起高鳥止而
復翔詫途隅之鴻構忽危榭而重樓破千金以營域
錮九泉而爲丘歎狐鼠之無忌覽榛棘而懷憂爰息
輪以陟崇眺城觀之霏藹日陰陰以向暝雲肅肅而
歸海念皇衢之如砥懼前路之中改冀蒼陽以發春
準四節而成載

靈巖黃習遠參訂

空同子集

卷之四

北郡李夢陽撰 東莞鄧雲霄欵潘之恒蒐校

詩類一之一 風雅什

禋社

辟雍

甘露

觀牲

效五子之歌

有鴟

青青者莆

有兔

河之楊

我行

始雷

我出城闈

河之渚

型範

歸壽

右次風雅一十五篇

九六十三章

風雅什

禋社

禋社紀成也今

上肇禮于社臣夢陽以戶部員外郎從而賦禋社

元年仲春吉日維戊 天子肇修于社式對二后協

於百辟既祗既戒其日丁巳三星彗彗

百辟至止萃于臯門三星在隅乃辟乃闔有滄其雲

有零其雨赤舄蹒蹒于壇之所

八佾剡剡百燎盈庭左金右石鏞鼓孔行 帝命元

臣曰戎朕代式虔式穆厥維朕載

元臣受 命爰肅其躬月出則光三星在中磬管皇

嗶有萬斯舞爰配二辟犧尊維俎

於神來格殷殷番番龍旂載揚雷霆嗶嗶明明對越

肅肅奔走神既醉飽錫辟之祐

適皇纘業配天于京三辰允禎日雨日暘皇降嘉賚

來牟黍杜敷文戢戈克紹冢土

禋社六章章八句

辟雍

辟雍紀視學也

天子至止于彼辟雍和鸞央央其來雍雍象輅金衡
有蒼其龍光于廟宮是依是崇

吉日維申脩我元祀皇祝設樂鏞鼓萬舞有筐有篚
以享以祀群執肅肅秉德弗渝

誰其觀者三氏子孫其冠峩峩來忻來止翩彼鳳鳥
集于東林繹其觀者其爛如雲

自門徂基辟儼若思青衿濟濟以辟以師爰命祭
酒司業拜手訃哉嘉謀作民元后

帝若曰都戎言式弘匪道何程匪猷曷承載弼元理
維協乃有衆拜稽首天子萬壽

旃旒旆旆淵淵伐鼓皇發辟雍用惠下土自天降
休豐年穰穰藹藹王多吉人四國用康

辟雍六章章八句

甘露

甘露紀異也元年冬至甘露降於陵樹

於辟是興皇用錫祉苞有八業侯茂侯采

填填墉壑有嚴廟宮湛彼露斯旣霑旣降

湛彼露斯于松于柏是旣是掇罔匪澤澤

苑彼陵樹有爛其華盈盈萋萋光于邦家
蕩蕩上帝降監在茲維辟時格豈曰匪時
其時伊何厥陽載升爰液乃濡惠我孔明
其昭伊何曰 帝攸績靡濫靡僭甘澍斯獲
明明昊天是歆是臧臣作誦言告于萬方

甘露八章章四句

觀牲

觀牲大儀也

赫赫明明 天子攸行以修肇禘以對于上帝

天子至止觀牲于郊龍旂交交馬鳴蕭蕭

帝至于郊於赫有臨載穆載欽曰歲事是歆

帝降于圉犧人脫福羊牛鹿豕儷儷濯濯濯牲牲

翔 帝之圉其牲孔碩甫甫麇麇

城人伐鼓 帝至郊所于旄淠淠虎士孔武乘彼大

路八鸞與與昭千萬邦光于 皇祖

觀牲五章三章章四句二章章八句

效五子之歌

五子歌正德年效作

大禹曰咨咨太康女何樂于田十旬弗返百姓離逖
女厥緒用殄洛汭湯湯流于冀方曷歸曷歸我心憂

傷

大禹曰咨咨太康敬哉有土毋荼毒下民毋曰民小
毋我崇尊天自我民明威

大禹曰咨咨大康天命難忱慎德者昌維帝克堪奄
有萬方乃罔攸序上帝殛罰女

大禹曰咨咨太康毋遊于盤毋荒于田毋小人是庸
嗜貨靡不顛毋曰予一人天下予何天方降爾瘥

大禹曰咨咨太康彼曰不臧是謀是從此曰既經是
戾是戕不念爾祖獨不念爾土嗚呼敬哉敬哉天罔

私隲女

五子歌五章二章章九句一章八句二章

章六句

有鴟

有鴟諷也

有鴟有鴟集于喬林征夫遑遑以北以南居人之子
我是用覃

東人之子衣服粲粲西人之子車馬有爛中人之子
尊尊衍衍

誰屋室潭潭誰教猷有冠誰遇人艱難誰寤寐永歎
爾視爾友令色令儀弗視爾友靡臧靡嘉爾視爾友

予德予哲背姻背婭罔不愆蔑

朔日日齡十月其雷山川震崩星辰逆行二三君子

匪疚匪疾日時則然匪我敢逸

燕雀在堂翩翩其羽鱖鱖魴鱉在于河渚弗念弗畜

孰獲爾所小子作詩誨言式女

有鴟六章二章章六句三章章八句一章

四句

青青者蒲

青青者蒲感遇也

青青者蒲生于汙池旃旒有翩君子攸悲

有蕩者道其木喬喬有鳥嘒嘒女有巢漂搖

有石嶢嶢在于中泉我思漑壘畏子不前

青青者蒲二章章四句

有兔

有兔閔獵穉也

有兔有兔其來趨趨有量變變虞人之縛

有兔綏綏瞻子傷悲豈女有母我子無所

爾粟爾糜爾有猫狸云胡樂而

有兔三章二章章四句一章三句

河之楊

河之楊怨離也

河之楊其葉幡幡子之歸矣誰與我晤言

河之湍兮我心博兮庶見子旋兮

河之楊二章一章四句一章三句

我行

我行思也

采芻采芻于彼中野我行思子瞻望伊阻

我有邊有俎滑滑我酤坎坎我鼓反反我舞

有筵有几我有桃李不見于都實維憂矣

我行三章章四句

始雷

雷于辰宜也然懼其弗施也弗威也又弗廣也

作始雷

雷之磕兮西山之陽兮翕兮張兮發坤藏兮闡而昌

兮

雷之升兮列缺光兮驅罔象叶平兮劃幽匿兮維民之

福兮

雷虩虩兮民愬愬叶入兮施甘雨兮昌叶下土兮登我稷

黍兮

始雷三章章五句

我出城闈

我出城闈閔水也嘉靖甲申秋久雨水涌陸地

行舟

我出城闈浩浩其流我車我馬登彼方舟昔也長薄
乃今舟之滔滔波塗昔也疇之

嗚呼蒼天雨無其極淤我良田浥我稼穡賣牛買船
賣鋤買楫夕之朝之濟有深涉
彼負者子涉寒號咷彼輦者子陷泥中濤彼車者子
馬顛濡毛彼往來者誰子冠蓋而遊遨

我出城闈二章章八句

河之渚

河之渚送鮑氏也

河之渚鳧鴈與與我駕我車載言送汝河水漚漚汝
舟淠淠冬十有一月甲申者歲

河之沙浩浩其霜人廬人處子也獨行廬匪不懷茲
非我邦豈無念處旋我舊鄉

舊山有廬溪則有魚有車馬驅有琴瑟笙竽烈風旆
旆寒日水瀨汝征汝邁

山有栲亦或有桮魚潛於淵或在於沼芻蕘之言君
子敬聽慎爾威儀擇爾友朋

河之渚四章三章章八句一章七句

型範

型範省躬也

器土必型器竹必範綏則有蟬冠則有范哲人畏威
爰矜爰業省之察之春水是涉

帝命攸畀而胡罔嘉忽心乘之厥玉斯瑕聖戒罔念
賢省日三輿則倚之立則如參

淵魚負米谷鳥嚶嚶賢豈在貴愚匪無榮維彼賢人
省躬靡疚彼愚何人外華中垢

型範三章章八句

歸壽

歸壽者李子爲東墅子作者也東墅子年六十
其子經自大梁馳而歸壽焉於是作歸壽

春日旣熙有繁其梅爰啟我堂我尊我壘穆穆其賓
揖讓先後介我眉壽飲我清酒

爾生之辰爾子遄馳何以獻之玉斗金卮春華載殷
舞衣爛斑庭樹青蔥鳥鳴關關

又何獻之高高之松翠蕤屈枝盤盤如龍又何獻之
維河之鯉玉鬢曜陽金鱗泚泚

歸壽三章章八句

謝書三章在八世
 縣阿之職王養郡則金編北
 又何佩之高尚之併翠綠風外
 暖云際其與詩書意
 爾上之武爾十
 其于雖自大梁
 長洲錢允治參訂

空同子集

卷之四終

